

麻疹提綱

單

登

武9
312



武中
瑞 312
卷

甲申新鐫

不許
翻刻

麻疹提綱

雷井堂藏板

雷井堂藏

麻疹提綱序

人生之大厄。莫甚於痘疹矣。疾病之急卒。莫迅於痘疹矣。一謬其治。則變易存亡。在一瞬之間。豈可不思哉。豈可不慎哉。而其為治方也。精于痘而略于疹。世醫為之誤者。或有之。僚友竹田君準卿有憾于茲。為著一書。名曰麻疹提綱。病回



脉候。用藥養護之法。辨論剖拆。無
所不備。自謂古人所未言及。實至
切之論也。蓋救厄濟急之功。爲弘
多矣。嘗聞君先公應安中遊明見
金翁道士。受靈劑妙訣。暨禦疹名
香之方。且獲奇書數部。而歸。本
邦乃謹製名香。獻
後圓融院天皇
天皇賜御歌

賞之。且賜其名。追儻香焉。其方傳
于今。施諸衆民。皆有驗矣。豈於此
書亦別有所傳遺旨秘訣歟。如其
論說。則非吾所窺。故不敢贅也。頃
其門生欲鋟之梓。於是君徵序于
吾。意者。往昔君先公。與吾先人共
浴。天恩。或拜
龍顏于
殿上南階。或曳素絹

于室町柳營。爾來拜謁。

大城亦同官爵。等僚班。凡四百年來。如一日。豈可耻。吾不文而辭乎。故題數言。為是序。

文政甲申春二月

特謁法印大藏卿源朝臣宗悟撰



麻疹提綱序
麻疹之為病。古人已與痘竝論之也。然其說詳於痘。而略於疹。則後人何可法。而則之哉。往昔享和二年。吾先人及叔母羅。此疾而殞。吾常不能無遺憾焉。特恨其無明論也。

茲歲孟春。竹君雷井先生為門徒錄麻疹證候竝治方。以為一部。其辭簡而要。其法約而中。可謂治疹之準繩也。豈啻諸子之賜哉。實天下蒼生之幸也。真道與諸子同謀。而欲下餒諸梓以傳於天下後世。中

先生曰。一家言不足以語天下也。况齊人之所好。則固楚人之所惡乎。暫措諸真道對曰。嘗聞古人苟留志於利濟。其小者且為之。今此書行。則其功亦不少焉。且人毀之者。固在其人。而不在先生也。若



余甚憾焉。茲歲孟春
余有病缺若乃
朝謁。病間則為麻疥
提綱。而辨其脉證治
法。以示生徒。厭演說

之勞也。而生徒請壽
諸梨棗。要以傳寫致
謬。而失大義。余不得
敢拒其請。卒附剗。刷
嗚呼梨棗亦何冤也。

余幼而失先人。受學於家。宰福島。恕。且性懶惰。加以淺見寡聞。如其文辭。則非余所固能也。大方君子幸。

勿謂拙陋云爾。

文政甲申二月既望
竹田公欽準卿識



雷井堂藏

大哉
...

麻疹提綱

題言



麻疹亦一疫也。猶歲氣觸胎毒而發痘也。而

痘無歲不行。疹則不然。我

邦自享保庚戌以來。凡二十餘年而行。其間

斷然未嘗見一人羅此患者。蓋天地厲氣之

行。自有其時。而非所謂五運六氣所固能定

也。其氣大約起於西南。而流於東北。其際無

論長幼強弱。得能免者。幾罕矣。然人生一染

之則終身不復感。又不可以常疫並論也。嗚呼疹其神疫矣哉。古人有言曰。麻疹出於六府。屬陽主氣。故有形無漿。治宜以清火滋陰為主。首尾忌燥焊之劑。後人誤認此說者。不少矣。享和二年流行之際。用藥失宜。而誤人命。不知幾百人矣。豈可不哀乎。茲歲甲申疹復行。余雖不敏。而守長沙之遺法。辨其脉證。並治法。以示來學之生徒。時文政甲申孟春望。竹田治部卿書於雷井堂。

麻疹提綱

必用特謁法印。治部卿藤朝臣公欽著。

○初熱大意。出頭其熱。而辨其熱。

○麻疹之感於身體。陽氣先失其健運也。故洒然惡風。凜然憎寒者。陽氣壅遏也。而陽者火也。氣與火。猶形影之相依也。氣行則火隨之。氣留則火亦留。唯氣能靈。而火不靈也。氣失其健運。則從火之性。故翁翁發熱。蒸蒸惡熱者。陽氣之炎熱也。既壅遏又炎熱。乃諸證。

麻疹提綱
雷井堂藏

從而起焉。蓋起疹之機。在此一時。先視唇舌燥潤。以定熱之輕重。

○麻疹先發熱而出。猶痘發熱而出也。而痘不可以熱之微甚。豫定病之輕重。唯疹可以熱之微甚。輒定毒之輕重矣。何則。以首尾一於熱也。

○疹先發熱而出。出則其熱從而解。故一熱必用發散之劑。亦猶痘初熱以發散為常也。若不曉其理。只視熱煩。專投寒涼。乃望其清

熱。是所謂忘其本。徒治其標也。

○初熱之時。以發汗之劑者。一定之法也。然而謔語煩亂。渴飲無度。而唇舌燥裂者。或內結壅鬱者。非用寒涼之劑。攻下之劑。則不能以發疹而退熱也。乃不可拘於常法。

○古人因時令而立治法。曰時溫暖。藥用辛溫。時暄熱。藥用辛寒。時大寒。藥用辛熱。時寒時暖。藥用辛平。余則不然。藥不以從時令。而藥惟以從其證為法。若專因時令而立法。猶

膠柱而鼓瑟也。不可從矣。

○古人以為疹之毒輕於痘。證候治法詳於痘。略於疹。然疹亦其證急卒。用藥失其宜。則其殃如反掌。可不懼乎。

辨初熱證候并治法

○古人以為痘初熱似傷寒。惟麻必咳嗽噴嚏。鼻流清涕。眼胞腫。其淚汪汪。面浮腫。雙腮赤。惡心乾嘔為異。

按傷寒痘瘡未必無此證也。然疹必咽喉

○煩寃而咳嗽者。僅可為麻疹之證驗矣。

○疹之初。先覺惡寒而純熱頭痛。身體酸痛。噴嚏鼻流清涕。眼胞腫。或惡心。或乾嘔。必咽喉戟辣而咳嗽者。麻疹之候也。感之輕者。脉不甚數而渴。或不渴。舌上白苔不乾。或無苔者。宜平穩發散之劑。脉浮數譫語熱煩。唇舌燥渴者。宜寒涼發散之劑。若譫語煩亂。渴飲無度。而唇舌燥烈者。宜寒涼之劑。若內結壅鬱而煩躁。舌有黃胎者。宜攻下之劑。

發散劑

凡疹初熱必咽喉乾辣而咳嗽者。是疹之證而輕重俱有。每方不載之。

葛根湯

脈浮數。惡寒發熱。頭項疼痛。身體酸痛。無汗乾嘔。及下利者。

葛根

麻黃

桂枝

芍藥

甘草

生姜

大棗

右七味。以水一合五勺。煮取八勺。

○凡加減於方者。不可不審其證矣。蓋本湯

之證。而別見一證。則視某證而知其所以然者。更加治某證之藥以治之。減亦如此。又宜因仲景加減之方。以推類而用之也。若渴者。加括萋根。則桂枝湯柴胡湯。加括萋是也。嘔者。加半夏。則葛根加半夏湯是也。喘者。加杏仁。則桂枝加厚朴杏子湯是也。難以一一枚舉焉。唯要隨證而斟酌。

○按葛根湯。於咳嗽咽痛乾嘔。長沙之所不載也。而疹初熱用此方。則本方證外。更有

咳嗽咽痛乾嘔之證。而似可加某藥。而治其證者也。然今以其證考之。蓋此三者。不固因痰飲之變。而特鬱熱使之然也。故其於咳嗽也。惟以發疹為要。疹出則鬱熱從而解。鬱熱解則咳嗽自止。但發疹者。必用汗藥。是葛根麻黃桂枝之所主也。咽痛者。專用甘艸。論曰。少陰病咽痛。與甘艸湯是也。生姜能止乾嘔。故桂枝湯證云。乾嘔是也。乃此所以照常而不加味也。如之何。豈

可認為痰以加五味麥門止咳嗽。加桔梗惡實療咽痛。加半夏乾姜治乾嘔者哉。其○按葛根湯於下利也。蓋邪熱不能外泄。而反併於胃。胃津液之府也。熱入則津液為之內潰而下泄也。故唯用發汗之方。而誘邪於表。則下利自止。論曰。大陽陽明合病必自利者。葛根湯主之是也。何可加茯苓白朮而分利之哉。

○或曰。麻疹發熱。得疹而解。傷寒發熱。得汗

而解者。固不相同也。且疹熱病也。古人已忌用辛溫之藥。彼桂枝麻黃俱辛溫。而傷寒發汗之藥。今反用之。則恐以熱而助熱也。而子特不疑者何也。曰。夫疹之起也。必先惡寒而發熱。傷寒亦先惡寒而發熱者。是皆格陽於外。而壅鬱為熱。言其部位。則為表。論其理。則一也。雖疹曰熱病。而其熱。不必蒸蒸惡熱。而翕翕發熱者。又論熱之狀情。則一也。已同其理。同其部位。又同其熱。則何可不同其藥哉。

况陽氣鬱遏。非微汗則不舒。故一熱必投汗藥。以發之。鬱熱得疹而解。猶傷寒發熱得汗而解。雖疹與汗異。而理則一也。若舉桂枝麻黃。而措諸惡熱煩躁。則其為害不少矣。豈特疹哉。傷寒亦如此也。然則何疑。

麻黃湯 脉浮數。惡寒發熱。體痛無汗。而喘者。

麻黃 桂枝 甘艸 杏仁

右四味。照常煎服。

升麻葛根湯入門脉浮惡寒發熱身體酸痛者。

葛根 升麻 芍藥 甘草

右四味照常煎服。渴者加括萎。嘔者加半夏。下利者加桂枝麻黃。蓋葛根得桂麻則逞其伎能故能誘邪於表而止下利也。

解肌湯千金葛根湯證而心煩者。
葛根 麻黃 黃芩 芍藥 甘草
大棗

右六味照常煎服。

升麻發表湯六書證同麻黃湯

麻黃 杏仁 桂枝 甘草 芍藥
白芷 獨活 防風 升麻 生姜
大棗

右十一味照常煎服。

寒涼發表散劑

越婢湯 惡寒發熱心煩乾嘔唇舌燥渴而汗出者。

麻黃 石膏 生姜 大棗 甘艸

右五味照常煎服。

麻杏甘石湯 惡寒發熱。唇舌乾燥。喘而

汗出者。

麻黃 杏仁 甘艸 石膏

右四味照常煎服。

大青龍湯 脈浮緊。惡寒發熱。微喘乾嘔。

身疼痛。不汗出。而煩躁者。

麻黃 桂枝 甘艸 杏仁 生姜

大棗 石膏

右七味照常煎服。

麻黃升麻湯 入門 大青龍湯證。而不喘者。

麻黃 升麻 芍藥 黃芩 石膏

茯苓 甘艸 生姜

右八味照常煎服。

按此方加茯苓者。蓋本於越婢加朮湯。麻黃加朮湯。然彼則施於濕家。身體疼痛。面目浮腫。小便不利。脈沉者。故更加朮。以又

內利其水也。此則本主於傷寒惡寒憎熱。無汗骨節疼痛。脈浮者。惟專於發汗。而反加苓者。為無謂也。今疹初熱。亦專於解表。宜去之。

寒涼劑

白虎湯 脈洪大。惡熱譫語。渴飲無度。而唇舌燥烈者。

知母 石膏 甘艸 粳米
右四味。照常煎服。

白虎加桂枝湯 脈浮大。惡熱煩渴。而肢節煩疼。惡風者。

於白虎湯加桂枝。

竹葉石膏湯 惡熱少氣。氣逆欲吐者。

竹葉 石膏 半夏 麥門 人參
甘艸 粳米

右七味。照常煎服。

攻下劑

大柴胡湯 脈沉數。熱毒在裏。胸脅苦滿。

大心下痞鞭。或腹痛。不大便而嘔。舌黃苔者。
柴胡 黃芩 半夏 芍藥 枳實

大棗 生姜

右七味。照常煎服

小承氣湯 腹滿或痛。惡熱譫語。不大便
而舌苔者。

大黃 厚朴 枳實

右三味。照常煎服

大承氣湯 熱結在裏。腹滿惡熱。譫語煩

躁。黑苔乾燥。不大便而渴。或下利臭水者。

大黃 厚朴 枳實 芒硝

右四味。以水一合二勺。先煮大黃枳實厚
朴。取六勺。去滓內芒硝消。更上火一二沸。

大黃硝石湯 惡熱譫語。短氣煩躁。二便

不利。而舌苔乾燥者。

大黃 黃栢 硝石 梔子

右四味。煎法同大承氣湯

桂枝大黃湯 六書 心中痞塞。胸脅逆滿。不大

便。而氣逆撞者。

桂枝 芍藥 大黃 柴胡 枳實

甘艸 檳榔 生姜 大棗

右九味。

六一順氣湯書六大柴胡湯證。而黑苔乾燥者。

柴胡 黃芩 芍藥 枳實 厚朴

大黃 甘艸 芒硝

右八味。煎法同大承氣湯。

凡結毒壅遏之證。一下之。得快利乃止。不必

盡劑。下後用排毒之藥。而發疹為要。

○初熱必咳者。因熱氣薰騰而疹出於咽喉也。非固痰飲所為。然有痰飲而咳。或熱鬱而

喘者。治各有其法。痰飲咳之方。見於後。熱鬱喘之方。見於前。

○乾嘔者。疹出則嘔自止。切不可用止嘔之

藥。若胸中煩悶而嘔者。宜表裏雙解之劑。若

胸中閉塞。氣上衝咽喉。而不能息者。毒結於

胸膈也。宜吐之。吐則疹出。吐中自有發散之

義。

表裏雙解劑

柴胡桂枝湯

發熱汗出。肢節煩疼。心下

支結。而嘔者。

桂枝

黃芩

人參

甘艸

半夏

芍藥

大棗

柴胡

生姜

右九味。照常煎服。

金翁柴葛湯

發熱無汗。身體疼痛。胸滿

喜嘔者。

柴胡

黃芩

人參

甘艸

半夏

生姜

大棗

葛根

麻黃

桂枝

芍藥

右十一味。照常煎服。

金翁。明洪武人也。應安二年。先人竹田山城守。遊明學醫於金翁道土。故其秘方。傳

於家。

參蘇飲局方心下支結。心煩喜嘔。惡寒發熱。

而汗出者。

紫蘇

葛根

前胡

桔梗

半夏

人參

橘皮

枳實

木香

生姜

大棗

右十一味照常煎服。

敗毒散局方胸滿嘔吐憎熱體痛而汗不出者。

柴胡 防風 獨活 半夏 桔梗

人參 芎藭 枳實 甘艸 茯苓

生姜

右十一味照常煎服。案此方用羌活獨活本一物而無異故以防風代羌活前胡柴

胡其能無異。又去前胡加半夏。賈而用之。

柴葛解肌湯六書前證而惡熱譫語唇舌燥渴者。

柴胡 黃芩 葛根 芍藥 獨活

白止 桔梗 石膏 甘艸 半夏

右十味照常煎服。按此方本無半夏今加之。

吐劑

金翁蒜梔散 心中温温欲吐而不吐者。

石蒜 五分 梔子 一分

右細末。先以二分白湯送下。得快吐乃止。後服。

又方 證同上。茶最下品者。濃煎。候漸冷。而加鹽少許。飲之即吐。

瓜蒂散 證同上

瓜蒂 赤小豆 各一分

右二味。各別搗篩為散。按凡用吐劑者。要審其人之虛實而用之。

用之。又有口訣。病人心中懊懣之時。案第五六髓。而吐氣愈加者。吐之而無妨。乾嘔者。及亡血家。慎勿吐之矣。

○自下者。是脇熱而下利也。不必為意。熱毒從下利而解。先用發散之劑。不止者。用脇熱利之治法。不可遽用澀滯之劑。若胃中有結毒。而下利者。大便極臭。或下利臭水者。宜下之。脇熱利之治方見於後。

調胃承氣湯

胃中有熱毒而下利者。

於桂枝湯方加葛根。

踈邪實表湯六書証同桂枝湯

於桂枝湯方加防風芎藭獨活

白朮

化毒湯活人壯熱而汗出者。

紫草升麻甘草

右三味照常煎服

補中益氣湯并惑脉弱陽氣不振胸滿或嘔

汗出者。

人參 白朮 當歸 甘草 橘皮

三黃柴胡升麻黃耆口熱飲不大對而

右八味照常煎服心煩者加黃柏。

○鼻衄者熱毒從血而去不可遽止其血若

血不止者宜清熱之劑。

連翹飲活人熱煩而衄者。

連翹 防風 甘草 梔子

右四味照常煎服。

三物黃芩湯 心中煩寃而衄者。

黃芩 苦參 地黃

右三味。照常煎服。毒甚者。加犀角。

生犀散。直訣。憎熱。疹不出而衄者。

犀角 地骨 芍藥 柴胡 葛根

甘草

右六味。以水一合五勺。先煮地骨。芍藥。柴胡。葛根。甘草。取八勺。去滓。內犀角屑。

三黃瀉心湯。心下痞。口燥煩。不大便而

衄者。白木 當歸 甘草 蘇合

大黃 黃連 黃芩

右三味。以沸湯水一合。煮二三沸。去滓。

○發熱五六日。而疹不出者。為表實。表實則疹難出。更無裏証者。宜大發之。

金翁排毒湯 表實疹不出者

麻黃 葛根 甘草 廐角 穿山甲

反鼻

右六味。照常煎服。

發透大意

○疹發熱二三日。而漸出者。為輕。將出之時。宜避風寒。僅覺皮膚粟起。則疹沒可慎。已出之後。要視其形色。而察毒之輕重。不使毒到於內攻也。

○疹齊出則熱自解。猶痘齊出而熱解也。痘已出之後。氣血定位。毒自制伏成膿。元氣盛者。毒易消化。故以補托為主者。是痘之治也。疹則異之。已出之後。只肉腫。而鬱陽得舒。則

熱毒消散也。若熱毒不能悉泄於外。而一半內遷。而傳於胃。則或自利而解者。毒自制伏也。唯陽氣宣達者。毒易消化。故以清解為常者。是疹之治也。乃所以痘疹不同也。

辨發透證候并治法

○疹自耳後項上腰腿。而先見者。為常。頭面不出者。為重。

○疹頂尖。而不長。形小而勻淨者。為常。色淡紅者。其毒為輕。色白者。為陽虛。紫紅者。為重。

黑黯乾燥者。熱毒最甚。

○齊出之後。熱漸減。而脈漸靜者。為順。若出而不齊。熱依然不退者。因發散之不足也。宜復發之。

○齊出之後。熱減。而脈數急者。後必有慮。

○疹已出。而忽沒者。風寒逼之也。遷延而不發。則毒必內攻。宜急發之。疹復出而安。

○齊出而黑色。忽沒者。欲為內攻。可懼。凡毒內攻。則必氣喘心悶。鼻扇口張。直視。煩

躁擾亂。此為難治。風寒外襲。則不然。宜審唇舌而治之。

○齊出之後。忽下利者。宜審其證而治之。實者下之。脇熱者。因清熱之法。泄瀉者。用其法。唯以唇舌燥潤為標準焉。

葛根黃芩黃連湯 脈浮數。心中煩悸。而

下利者。

葛根 黃連 黃芩 甘草

右四味。照常煎服。

黃芩湯

心煩腹痛下利者。

黃芩

甘草

芍藥

大棗

右四味照常煎服。

黃連解毒湯外臺惡熱譫語煩躁下利者。

黃連

黃芩

黃柏

梔子

右四味照常煎服。

白頭翁湯

熱利下重者。

白頭翁

黃連

黃柏

秦皮

右四味照常煎服。

桂枝人參湯下利脇熱泄瀉心下痞鞭或嘔

者。

桂枝

甘草

朮

人參

乾姜

右五味照常煎服。

錢氏白朮散方考脇熱泄瀉而渴者。

人參

白朮

茯苓

葛根

藿香

木香

甘草

右七味照常煎服。

人參湯

胸中有寒心下支結腹痛泄瀉

者。

人參 甘草 朮 乾姜

右四味。照常煎服。

半夏瀉心湯 心下痞鞭。脇下有水氣。腹

中雷鳴。下利者。

半夏 瀉心散 乾姜 人參 甘草

黃連 大棗 木香 入卷 掉姜

右七味。照常煎服。

五苓散 下利欲飲水。而小便不利者。

猪苓 澤瀉 茯苓 桂枝 朮

右五味。以沸湯一合。煮五六沸。去滓。

胃苓湯 四春胃中不和。下利而渴。小便不利

者。

橘皮 厚朴 蒼朮 猪苓 澤瀉

茯苓 為藥 桂枝

右八味。照常煎服。按此方。本有白朮。生姜

大棗。今去之。

○齊出之後。熱毒滯於咽喉。而腫痛者。外吹

以清熱止痛之藥。內飲以敗毒之劑。不愈者。宜微下之。

金翁宣志散

辰砂二分青黛三分礬石一分
毒甚者以蓬砂代之

右以管吹入咽喉。

桔梗湯

咽痛吐濁唾者。

桔梗 甘草

右二味照常煎服。毒甚者加犀角。

半夏厚朴湯

痰飲痛咽中如有炙癬者。

半夏 厚朴 茯苓 生姜 蘇葉

右五味照常煎服。

射干鼠粘子湯

陳氏熱毒為痛者。

惡實即鼠粘子 甘草 升麻 射干

右四味照常煎服。

消毒飲局方証同上

惡實 荊芥 甘草 防風

右四味照常煎服。

牛房子湯

濟世前証而熱毒甚者。

惡實即牛房 玄參 犀角 升麻 黃芩

通草 桔梗 甘州

右八味以水一合八勺先煮七味取六勺去滓內犀角屑

涼膈散 局方 惡熱煩渴。口舌生瘡。二便不利。而咽痛者。

薄荷 甘草 連翹 大黃 芒硝

桔梗 梔子 黃芩

右八味以水一合二勺先煮七味取六勺去滓內芒硝。

○齊出之後火邪內逼毒上行則嘔吐內實而舌有黃苔者下之。蓋下焦已不通毒逆於上而嘔吐下之則結毒去而嘔自止也。若熱渴而舌燥者宜寒涼之劑。否則用清熱之劑。若有停飲而嘔者治從其法。

清熱止嘔方

黃芩加半夏生姜湯 胃中煩冤而嘔吐者。於黃芩湯方加 半夏 生姜

小柴胡湯 胃脇苦滿而嘔者。

柴胡 黄芩 人参 甘草 半夏
生姜 大枣

右七味照常煎服。

梔子生姜豉汤 心中懊憹而嘔者。

梔子 香豉 生姜

右三味以水一合五勺先煮梔子生姜取一合内豉更煮取六勺。

橘皮竹茹汤 热在胃膈而嘔逆者。

橘皮 竹茹 大枣 生姜 甘草

人参

右六味照常煎服。

驱痰止呕方

吴茱萸汤 胸满而嘔吐涎沫者。

吴茱萸 人参 生姜 大枣

右四味照常煎服。

小半夏汤 心中愤然嘔者。

半夏 生姜

右二味照常煎服。

半夏瀉心湯 嘔而腸鳴心下痞者。方見於前

金翁半夏藿香湯 心下支結得食則嘔

或時吞酸者。

半夏 藿香 乾姜 茯苓 橘皮

白朮 人參 甘草 枕香

右九味照常煎服。

利水止嘔方

猪苓湯 嘔而渴小便不利者。

猪苓 茯苓 阿膠 滑石 澤瀉

右五味以一合五勺煮取八勺去滓內膠烱消。

茯苓澤瀉湯 証同上五苓散亦主之。

茯苓 澤瀉 甘艸 桂枝 朮

生姜

右六味照常煎服。

茯苓飲 胸中有停飲氣滿不食而吐宿

水者。

茯苓 人參 朮 枳實 橘皮

生姜

右六味照常煎服。

茯苓半夏湯回春胃中不和心下痞鞭嘔而

不食小便不利者。

茯苓 半夏 蒼朮 厚朴 橘皮

砂仁 藿香 烏梅 乾姜 甘艸

右十味照常煎服。

収後大意

○夫疹已不膿其収不靨漫漶収退者固不
如痘釀膿収靨落痂也痘為瘡藉氣血為形
又以氣血為毒故釀膿収靨落痂而毒盡於
外毒盡而愈愈後有癍而仍餘毒為患不少
矣特疹藉氣為形又以氣為毒故其収退忽
然如失亦為熱毒已泄於外也然而其已不
膿又漫漶収退則熱毒不能盡泄於外反轉
於內者許多况疹固為熱病乎是以疹退之

後胸滿不食。或晝夜純熱。或腹滿大便不通。或下利膿血。或裏急後重者。皆餘熱轉干胃之所致也。故及其退。乃要審脈証并唇舌而慮熱毒轉入干胃也。

○疹齊出三日而退者為輕。四五日而不收者為重。本因感受之輕重也。不收者專與解毒之劑。務解其毒。毒盡則疹自消。只欲不使毒至於內遷也。

辨收後證候并治法

○收後脈緩。食進安眠。小便自利者。熱已解也。脈數者。毒未欲解。

○收後熱未解。而小便不利者。宜利小便。金翁苓芎湯。治痘疹後發熱小便不利者。

茯苓 芎藭 芍藥 白朮 澤瀉

梔子

右六味照常煎服。毒者加犀角。

五苓散 渴而小便不利者。方見於前

麻疹辨經
○叔後。謔語煩熱。不大便而渴者。是熱傳胃也。宜調胃承氣湯。若胸滿不食。而嘔者。宜大柴胡湯。各方見於前。

○凡叔後。見舌苔黃黑者。乃下之。一下後。苔去則止。不必盡劑。古人有言曰。常毒治病。十去其八。

○叔後便血者。熱毒穿破血絡。而漸於腸胃也。

○叔後咳嗽及聲啞者。本因應發而不發熱。

傷肺氣也。宜清肺之劑。若飲水大多而咳者。宜治其水。

麥門冬湯

大逆上氣。咽喉不利。咳嗽者。

麥門冬

半夏

人參

甘草

粳米

大棗

右六味。照常煎服。

葶藶大棗湯

咳而喘鳴。不得卧者。

葶藶

大棗

右二味。照常煎服。

小青龍加石羔湯

肺脹欬而上氣心煩

脉浮者。

麻黃 芍藥 桂枝 細辛 甘艸

乾薑 五味 半夏 石膏

右九味照常煎服。

桔梗湯 咽痛咳而出濁唾者。方見於前

溫肺湯局方 胸中有寒咳而不能坐臥者。

芍藥 五味 乾姜 桂枝 半夏

橘皮 杏仁 甘草 細辛

右九味照常煎服。

人參湯本事 往來寒熱胃滿不食小便不利。

而咳欬者。

人參 白朮 茯苓 半夏 甘艸

當歸 芍藥 葛根 柴胡 黃芩

右十味照常煎服。

苓桂味甘湯 心中悸而咳者。

茯苓 桂枝 五味 甘艸

右四味照常煎服。

猪苓湯

渴欲飲水而咳者。方見於前

苓甘五味姜辛湯

咳而胃滿者。

茯苓 甘草 乾姜 細辛 五味

右五味照常煎服。

○ 叔後咽痛者。牙疳者。唇舌腫者。口氣惡臭者。眼疾者。耳聾者。痿痺者。變癩利者。為蒸熱者。發惡瘡者。皆因應發而不發。應下而不下。熱毒鬱積之所致也。各審其証而治之。各方不載

大連翹飲

疹後餘熱不解者。方不載

金翁消毒湯

用痘疹後之諸熱。

梔子 柴胡 芍藥 桔梗 黃芩

甘草 土茯苓 芎藭 牛角

右九味照常煎服。實者加大黃。

○ 疹本熱病也。首尾俱忌溫補之藥。然而用藥失其節。及誤治者。僥幸得生。亦陽氣既已虛奪。並不可以常法而論焉。叔後下利洞泄而咳者。陽氣不振。飲食不進者。心氣不足而健忘者。不語者。皆為陽虛也。治宜審唇舌而

用溫輔之藥中各方不載

○婦人經水適來無他症者。熱毒從血而去。治不異於男子已孕婦亦無他症者。與常婦無異已。然藥治失節。則熱毒稽留於內。而墮胎也。藥惟投其時。則有安胎之妙也。蓋疹將出也。壅鬱而毒專在表。輒可發之矣。疹固不出。同於痘毒釀膿。內動氣血也。故熱雖甚。不敢傷胎。但一發之後。疹出熱解。而胎乃安矣。若煩渴譫語者。即清之內。結壅鬱者。即下之。但

清下而得疹。則熱去而胎自固矣。假令其出之後。熱反傳於內。亦一下之。則熱結去。而乃不至傷胎也。但疹既出。則毒已外泄。不如傷寒溫疫表証不得汗。遂傳於胃。而戕賊內藏之為甚也。夫痘瘡傷寒溫疫之重。用藥中節。乃無害於其胎焉。何況疹乎。雖然。應發而不發。應清而不清。應下而不下。則熱毒鬱積。而乃傷其胎。然胎去熱毒從此而解。不如痘之墮胎而母必死也。凡熱蒸而墮胎者。審其証

而從調血之策。

飲食消息

○凡疹渴者以熱傷津液故引飲耳古人用綠豆炒米湯但思飲者即酌量與之不可盡意多飲則水停心下必有咳嗽乾嘔之變凡渴者砂糖及炒麥葛粉天花粉湯宜易湯水而與之皆是解熱止渴之品也若有嘔氣而惡甘者絲瓜湯或白滾湯亦佳冷熱適其所好若大渴思冷水者不必禁但不多與已蓋

內熱之極非水不能救也若渴不止者兼與梅漿橙漿外臺云凡治熱以酸近來西洋科多用此方。

○疹有首尾能食者不食者食者與粥及軟飯不可多食不食者不得強與食唯可與粥飲而存穀氣思食則先與稀粥漸進軟飯宜酌量與之不得恣喫忽加吞酸反覺無味乃胃氣傷也不可不慎

○凡疹首尾禁生冷粘滑肉麪五辛酒酪臭

惡等物

○疹毒輕於痘固也。然差後禁忌反同於痘者。蓋疹亦以差後脉惟不復於常也。脉之復也。有十餘日而復者。或有二三十日而不復者也。脉不復則雖氣力如常而犯禁忌者災害立起。不死亦危焉。世醫立禁忌之法。飲食以七十五日房事以一百日為期者。是大槩之法而已。余則不期以日數而唯期以氣力復平之後。脉復於常也。脉復常則飲食及房室亦無禁焉。雖然。至於庸俗之輩。不知脉之復而差後輒犯禁忌者。乃定以日數者。則諭俗之便宜而不可全廢矣。

宦醫

服部了元直温子恭

吉田侍醫

岩田昌庵廣房同校

杵筑侍醫

近藤秀庵定孝

麻疹提綱畢

雷井先生著述

傷寒論辨解

六卷未刻

同脉證考

三卷近刻

方考

二卷未刻

豌豆說約

一卷未刻

徽瘡論

二卷近刻

雷井雜記

一卷未刻

司馬元泰謹書

雷井竹君麻疹提綱刻成。乃拜讀之。題詞曰。疹其神疫矣哉。蓋痘麻雖同。是一疫哉。人得之。搆精之始焉。陽火為麻。陰火為痘。天地以化工之妙。

驅使歲氣而令人得為人其
或為死者。何在人而不在天
也。竹君稱曰神疫。嗚呼宜
哉。大濱恭有謹題

雷井州



書肆

鴈金屋

青山堂清吉

西宮

北林堂弥兵衛

